

産科發蒙

四卷 片倉元周著

ヤ 9
1135
3



醫學質驗五種產科發蒙四卷目錄

產後欬嗽第一

丹參湯

二母散

瓜蒌湯

旋覆花湯

產後寒戰交牙第二 二頁

附子湯

人參湯

奪命散

產後崩漏第三 三頁

膠艾湯

惜紅煎

獨黥散

瑞蓮散



91-1971

產後兒枕痛第四 五頁

永類延胡索散 熊氏延胡索湯

四物加大黃湯 加味建中湯 加味通氣湯

產後發熱第五 六頁

七味益母飲 製尿尾法

產後飽悶第六 七頁

九聖飲 白丸子 指迷七氣湯

產後乳結痛第七 八頁

麥芽煎 玉露散

產後語言錯亂第八 九頁

黑龍丹 失笑散

產後嘔吐第九 九頁

半夏竹茹湯

產後淋疾第十 十頁

開閉煎 滑石散 石葦湯

緩疼煎 五聖飲 潤下飲

產後腫滿第十一 十二頁

橐吾飲 紫葳蘓木湯 澤蘭湯

禹翼湯

禹績湯

茯苓湯

集香湯

分心氣飲

琥珀湯

加味腎氣丸

加味六皮煎

產後玉門不閉第十二十六頁

石灰湯

治玉門不閉方 治陰戶突出方

孫一奎經驗方

產後口舌病第十三十七頁

當歸飲

間碧散

加味導痰湯

產後煩渴第十四十八頁

集驗括樓湯

聖惠白朮散

產後自汗盜汗第十五十九頁

經効黃芪湯

黃耆建中湯

參附耆蠟湯

產後脇下疼痛第十六二十頁

豁脇湯

枳殼煮散

當歸柴胡湯

柴胡疎肝散

補肝散

檳榔湯

產後大便閉結第十七二十二頁

調道飲

桃核承氣湯

產後下利第十八二十三頁

芍藥香附湯

茯苓建中湯

當歸湯

調中湯

神效參香散

產後遺尿第十九

二十四頁

鹿蠲飲

喬一方

桑螵蛸散

產後腹脹第二十

二十五頁

抵聖湯

忍冬飲

產後痿躄第二十一

二十六頁

健脚煎

續斷丸

思仙續斷圓

產後陰門腫痛第二十二

二十七頁

枳殼散

收傷油

六味熏洗方

失痛散

產後乳汁少第二十三

二十八頁

通乳煎

木通丸

胡桃散

玄素散

通乳瓢畜飲

產後目疾第二十四

三十頁

熟地黃湯

四物補肝湯

四製香附丸

芎藭湯

掃紅煎

產後蓐勞第二十五

三十二頁

人參驚甲散

三合散

加味四物湯

懷熟地湯

新定補元煎

竹葉湯

經効黃芪湯

麻黃根散

新定龍骨散



醫學質驗五種產科發蒙四卷

義集

紀州谷井敬英世昌

相州片倉元周深甫著門人上毛今村長順子正全校

相州伊達周禎子祥

○產後欬嗽第一

欬嗽之病雖其本不一皆是肺家病產後患之者宜先與丹參湯功效尤勝若惡露下少而欬嗽不已者宜二母飲嗽而牽引脇下臥則喘欬益甚者必有伏火瓜蒌湯加知母黃芩各八分感風寒欬嗽喘滿痰涎壅盛者宜旋覆花

湯已試之驗

丹參湯

丹參一錢 百部根 桔梗各六分 百合

茯苓各八分 五味子五分 桑白皮一錢

右以水二合煮取一合温服

二母散 治產後惡露上攻咳嗽不已

知母 貝母 茯苓 人參各五分 桃仁

杏仁並生去皮尖各一兩

右每服五錢水煎温服

瓜蒌湯赤水 治產後咳嗽痰不易出左脇疼痛内熱氣壅

不能伏枕者

瓜蒌仁六分 桑白皮 杏仁 半夏

桔梗 紫蘘子 枳殼各一分

右水煎温服

旋覆花湯 治產後傷風感寒暑濕欬嗽喘滿痰涎壅

盛坐臥不寧

旋覆花 芍藥 前胡 半夏 甘草

五味子 荆芥 茯苓 杏仁 麻黃各等分

右剉每服四錢水一盞半姜五片棗一枚煎至七分去滓食前溫服熊宗立云產後咳嗽此方最良元周以此法治若干人皆驗

○產後寒戰交牙第二

產後患寒戰交牙者其人瘀血不得下而發宜將折衝飲行瘀煎之類點服獨行散一二匙若惡露下過多或難產而用力太甚纔分娩而發者與還元煎疲勞甚者附子湯人參湯之類宜擇用并兼用奪命散最妙

折衝飲見產論

行瘀煎見血暈

還元煎見半產

附子湯聖濟

附子

人參

生姜

大棗

各等分

右水煎溫服

人參湯

人參二三錢

以水二盞煮取一盞溫服

奪命散

大全良方

治產後血暈血入心經語言顛倒健忘失志

及產後百病

沒藥

血竭各等分

右細研為末纔產下便用童子小便細酒各半盞煎一二沸調下二錢良久再服

○產後崩漏第三

產後惡血崩漏不止者當速施遏崩之術令產戶緊閉乃與膠艾湯或惜紅煎兼用三聖散獨黥散之類若不止者宜還元煎凡血症用理血之劑而不效者非理氣之藥則難收效不可不知也又收血理氣之藥並不效者却宜涼血之劑三黃灸艾湯尤神效又古方有瑞蓮散實產後血崩之神藥也

膠艾湯一方加乾姜一兩

- 芍藥 阿膠 甘草各二兩 艾葉 當歸各三兩

芍藥 四兩 乾地黄 六兩

右七味以水五升清酒五升合煮取三升去滓內膠令消盡溫服一升日三服不差更作

惜紅煎 治婦人經血不固崩漏不止及腸風下血等証

- 白朮 山藥 炙甘草 地榆 續斷炒
- 芍藥炒 五味子 荆芥炒 烏梅

水一鍾半煎七分食遠服○如火盛者加黃連黃芩獨黥散 此方不獨治經血不止諸血用之悉驗

蓮房不拘多少燒存性細末每服一二錢湯子送下

過崩術 見產論

三聖散 見產前

還元煎 見半產

瑞蓮散

治產後惡血崩漏狀如泉水

瑞蓮

百枚 燒存性

棕櫚

燒存性

當歸

官桂

各十錢

檳榔

二枚

川芎

七錢

鯉魚鱗

炒七錢

半

右為細末每服三錢煨生姜酒調如未止更進一服

○產後兒枕痛第四

一名產枕痛 一名血枕痛

產後臍下疼痛其痛一陳來而止復來者名曰兒枕痛此瘀血將出而為痛者其實佳兆也然產訖則忽腹中空虛是以產婦多不堪其痛宜用破血之劑行瘀煎獨行散延

胡索散熊氏延胡索湯之輩宜擇用若產後不大便數日而小腹疼痛者宜兼用龍飛丸或用四物加大黃湯木直煎之類若初瘀血頗快下大便亦如故而腹中疔痛者則屬疝加味建中湯加味通氣湯之類並有奇効

延胡索

當歸

各一兩

琥珀

蒲黃

炒各一分

芍藥

五錢

肉桂

三分

紅藍花

二錢

右為末童子便合溫調三錢食前服

熊氏延胡索湯

治兒枕痛不可忍者甚効

當歸

桂心

延胡索

各等分

右水煎服

○舊為散周常加山查子等分為湯用甚效

行瘀煎

見產後

獨行散

見血暈

龍飛丸

木直煎

並見傷寒啓微

四物加大黃湯

即四物湯加大黃

加味建中湯

芍藥

桂枝

甘草

木香

吳茱萸

茴香

生姜

大棗

右八味水煎溫服

加味通氣湯

治小腹及腰疼甚則肛門窘迫不可忍

茴香

烏藥

當歸

芍藥

香附

各上

山查子

陳皮

茯苓

白朮

延胡索

吳茱萸

枳榔

澤瀉

各中

木香

中下

甘草

下

右十五味水煎溫服

○產後發熱第五

產後發熱者多因血虛而陽無所依浮散於表也勿妄為外感施治宜七味益母飲加尿瓦一二錢內有四物補陰益母行血炮姜辛溫從治而能收浮散之陽以歸于陰若氣血俱虛而惡寒發熱渴而煩躁者十全散熱甚者倍桂

加炮姜熟附子若夜熱甚小腹及腰痛者與雙和湯調中益血則熱自解若由外感而發熱頭痛頸項強無汗脉浮而有力者宜竹葉湯或熟料五積散又壯熱煩悶乾嘔口燥吟呻喘滿脉實者宜用黃連解毒湯

七味益母飲

益母草^上

當歸

川芎

芍藥

乾地黃

乾姜^{炮各}

甘草^下

右七味水煎溫服

十全散

雙和湯

並見微癘新書

竹葉湯

黃連解毒湯

並見傷寒啓微

製尿瓦法

安土罌於廡下尿之三百日便取起打破

再炭火中燒赤置地上一宿極細末聽用

予往往以此易用於童便

熟料五積散

見產要

○產後飽悶第六

惡露不下而飽悶者瘀血上逆也宜行瘀煎若腹中有塊上衝欲吐者與九聖飲兼進白丸子若塊在小腹不散者琥珀黑龍丹若胃膈飽悶心下痞硬或肩背疼痛有寒熱者屬氣滯宜指迷七氣湯一貼正氣天香湯一貼相和用

之

九聖飲 治腹中有塊温温欲吐或上衝心下痛甚者

半夏

茯苓 各上

肉桂

乾姜

橘皮

香附

山查

莪木 各中

甘草

烏梅 各下

右十味水煎温服

白丸子

半夏

醋煮

茯苓

各十

右細末以生姜汁作薄糊圓梧子大每三十粒温水下

行瘀煎

見產後

黑龍丹

見言語錯亂

指迷七氣湯 治胃膈飽悶心下痞硬

青皮

陳皮

桔梗

莪木

桂枝

藿香

益智 各十

香附 半十

甘草 三分

加半夏 三分

右每三錢水一盞姜四片棗二枚煎七分服

○產後乳結痛第七

婦人產後血氣盛而乳房作脹乳頭縮退兒不得飲餘乳蓄結脹痛增寒發熱者須先令細心人微微揉之柔和却吮乳汁通之然後宜與麥芽煎或玉露散外將百草霜水和勻塗乳房尤神驗

麥芽煎

麥芽炒熟

右水煎溫服立消此薛已方

王露散良方治產後乳脉行身體壯熱疼痛頭目昏痛大便

澀滯悉能治之涼膈煎熱下乳

人參 茯苓 甘草各中 桔梗 川芎

白芷各上 當歸 芍藥各下

右為細末每服三錢水一椀煎至七分溫服如煩熱甚
大便秘者加大黃

○產後語言錯亂第八

產後談笑不止口或錯言妄語如見鬼物或欲踰牆上屋
者此敗血凌心也多死與黑龍丹萬死中求一活若唯煩
亂者失笑散加鬱金各等分

黑龍丹良方治產後一切血疾產難胎衣不下危急惡疾

垂死者但灌藥得下無不全活神驗不可言

當歸 五靈脂 川芎 良姜 熟地黃各十

右細剉以沙合盛封口鹽泥固濟以文武火煨一炷香
放涼處退火毒取開看成黑糟色乃取出細研入後藥

百草霜五十 硫黃 乳香各一 花藥石

琥珀 各一
錢重

右共前煨過藥研勻，酢糊丸，彈子大，每服一丸，用姜汁好酒童便半盞將藥一丸於炭火中燒淬入酒便內調化，頓服立效。○前哲既稱贊此方之神驗，余屢試之，實不虛。

失笑散 局方 蒲黃 炒 五靈脂 各等分 為末，釀醋調，二錢服。

○產後嘔吐第九

產後嘔吐者，宜先用半夏竹茹湯，若緣惡露不行者，二陳湯加當歸、莪木、肉桂、乾姜，若傷食胸腹痞滿者，六君子湯。

加木香、厚朴，或二陳湯加丁子、縮砂，若不效，更加人參、炮姜、澤蘭、蘭草，若虛寒脈沈微者，理中湯加丁子、蘭草，若敗血散於脾胃，腹脹嘔吐者，抵聖湯加肉桂、穿山甲，其效尤捷。

半夏竹茹湯

半夏 竹茹 茯苓 伏龍肝 各

右水一盞半，入生薑五片，煎取一盞服。

二陳湯 六君子湯 理中湯 見產後

抵聖湯 方見產後腹滿

○產後淋疾第十

產後小便淋瀝澀痛者此瘀熱在膀胱之所致也宜用開
閉煎或滑石散石葦湯並効若痛甚者宜緩痛煎若惡露
下少臍下有堅塊者此舊瘀血碍尿道之所致也將行瘀
煎加葵子滑石車前子甚効又有子宮下墜壓尿道而致
癃閉者輕者終日而始通重者一日夜而自利此以子宮
漸復本位也若倘不得通小腹脹滿者便宜施洩閉術隨
手即効尋宜用五聖飲又未產前不大便五六日延產後
倘數日不通而小便癃閉者此燥屎填滿于大腸小腸為

之被窄狹之所致也宜木直煎或用開閉煎吞龍飛丸三
十粒未効者不將芒硝滋之則不可潤下飲每每奏奇効
開閉煎 家方 治男婦小便淋閉之妙方

夏枯草 白茅根 各上 葶草 瞿麥 茯苓

冬葵子 西洋參 滑石 各中 甘草 下

右水煎溫服

滑石散 千金 治產後淋

滑石 五錢 木通 車前子 冬葵子 各四錢

右為末以漿水調服方寸匙

石葦湯 家方 治小便淋瀝陰中痛

石葦 上 瞿麥 中 車前子 上 葵子 中 木通 中

甘草 下 茯苓 中

右水煎服 ○此方治男子膿淋其效如神

緩疼煎 家方 凡諸淋小便澀痛不可忍者用之功效如神

當歸 中 川芎 下 芍藥 中 地黄 中 焰硝 上

甘草 上 車前子 上

右水煎服

行瘀煎 方見產後

五聖飲 家方 此方治諸淋甚妙

萍蓬根 四錢 車前子 蜀黍 蕪木

甘草 各二錢

右以水六合煮取三合去滓溫服可斷鹽味

水直煎 龍飛丸 並見傷寒啓微

潤下飲 治小便淋瀝澀痛大便秘結

大黃 芒硝 當歸 地黄 芍藥 各等分

右水煎溫服

○產後腫滿第十一

凡胎前腰脚微腫者十居六七然此症雖不用利水之劑
過產後十餘日則自消散若小便澀滯漸腫滿者此濁液
流入經絡留滯日深而散漫徧身也宜橐吾飲其人若小
腹有塊堅硬唇口乾燥惡露下少者紫葳蘓木湯千金牛
膝湯之類擇用若腫中有凝結者澤蘭湯若腫脹稍硬腰
以下更甚而無光澤小便短少者六皮煎用之不効而腫
勢日盛者禹翼湯尤神效若服諸導水消痰藥而並不效
腫脹充滿腹如抱甕手足似腰大皮膚光澤如瑩者非用
禹績湯則決不能取效此方實出于予之心裁而救危起

廢之神劑也若每欲小便必大便下利者甚難治宜用茯
苓湯加琥珀一錢若腫不甚涉徧身而飲食氣宇如故或
時肩背拘急或又疼痛者宜利氣之劑集香湯尤妙若面
獨腫而久不消者分心氣飲或獨味紫蘓湯若面無血色
腫狀如熟李大便滑者下焦鹿琥珀湯加味腎氣丸料之
類宜選用焉其他有脚氣濕毒敦阜等腫而見証多端治
法各異焉不能備錄于茲詳載在于腫脹彙編
橐吾飲 治產後浮腫

當歸

芎藭

芍藥

茯苓

各一
中合

桑白皮合一大

甘草合一小

橐吾莖葉合三大

右水煎服次日加橐吾四錢又次日加六錢更加南天

燭實尤妙

紫葳蘓木湯

治惡露不盡產後浮腫者

紫葳即凌霄花葉

冬瓜子合一大

蘓木

當歸

川芎

茯苓

牡丹皮各一中

甘草合一小

右以水一盞半煮取一盞去滓溫服

澤蘭湯

治產後四肢腫滿腫中或凝結有塊而不食者

澤蘭

防己各上

枳殼

琥珀

桂心

高陸

半夏

歸尾

莪木

茯苓

麥芽

桃仁

神麩

桑白皮各中

右生姜水煎食遠服大便秘者加大黃

千金牛膝湯

見血暈

禹翼湯鶴陵定

治產後腫滿皮膚無光澤腫稍硬者

桑白合二大

防己合一大

茯苓

豬苓各一中

黑豆合一大

澤蘭合一大

右以水一盞半煮取一盞溫服日與二三貼○若氣不

和加紫蘇一大合

禹績湯鶴陵定治遍身腫滿皮膚光澤如瑩小便不利諸藥

不能療者

西瓜皮 赤小豆冬瓜內蒸晒 乾各二大合 冬瓜子

西瓜子 豬苓 茯苓各一合 大腹皮

冬瓜皮各一大合半 海金沙一小合

右以水一盞半煮取一盞溫服宜進日二貼以上二方

裁而治產後腫脹之神方也余歷年試用救危起廢者不勝枚舉陳氏夫古人作詩數千首其間一二自有令人感動之合作余之互此方亦自得配合之宜者也分兩必不可加減奇效靈驗難以具述

茯苓湯楊氏治脾氣不實手足浮腫小便秘澁氣急喘滿

白茯苓 澤瀉 香附子 大腹皮

乾生薑 橘紅 桑白皮細剉炒 各等分

每服五錢水一盞半煎至七分去滓溫服不拘時候

集香湯直指凡腫脹先用諸香以透徹關絡則小便易利

沈香 丁香各二錢 木香 青木香 藿香

川芎 檳榔 赤茯苓 枳殼 甘草炙 各

乳香錢半 麝香別研

右麝末每二錢半姜三片紫蘇三葉空心煎服

分心氣飲

紫蘊合二大

大腹

芍藥

木通

半夏

茯苓

桑白皮炒橘皮

青皮

羌活

甘草

燈草各一中合

生薑三片、棗二枚、水煎溫服

琥珀湯 治脾腎虛寒、小水不利、遍身腫滿、或欬喘者

琥珀

人參

白朮

合一大

茯苓

合一中

桂枝

附子

乾姜

砂仁

合一小

陳皮

破故紙

桑白皮

童子小便浸炒各一中合

右水煎食遠服

加味腎氣丸

即八味丸加車前子牛膝

加味六皮煎

大腹皮上

桑白皮上

五加皮中

茯苓皮上

生姜皮中

木瓜中

橘皮中

姜黃

下

燈草上

右九味以水二盞煮取一盞溫服

○產後玉門不閉第十二

產後玉門不閉者因難產強努力或死胎不脫以回生術救之後玉門錯和氣血失運行而不能括縮致不知小便漏出也以十全散加五味子外石灰湯浸患處又努擗太過陰肉下脫內出者硫黃洗方石灰韭菜洗方並有奇效

石灰湯

石灰一升炒令能燒

右投熱湯中攪調俟適溫乃取澄清移大盆內坐湯中以浸玉門斯須平復如故此方原肘后方

十全散見徽痛新書

產後陽氣虛寒玉門不閉用陳飛霞



石硫黃

海螵蛸

五味子

右等分共為末搽患處日三易同上

治產後玉門不閉陰戶突出方陳飛霞

石硫黃三錢

兔絲子

吳茱萸各二錢

蛇床子一錢

五分

水一大碗煎至半碗頻洗自收

治產後子宮墜出戶外數日不收用未經水石灰幹一塊重二三觔者又以韭菜二三觔煎湯置盆中將灰幹投入灰開湯沸聲盡迺瀝去灰帶熱坐於盆上先薰後洗

即以熟韭菜於患處揉押一日洗一二次以消軟收入
為度赤水玄珠

○產後口舌病第十三

產後口舌糜爛者已投尋常瀉火清熱劑而不效者往往
綿歷累月不差矣前哲方書率皆略之不載予二十年來
每於此証求治法於方書口舌門屢試數方多不得效竊
恨小恙之難醫焉近有一二患者已三閱月不瘥於是單
思焦神略有所悟乃製方與之七八日而得全愈後試之
數人應效如桴鼓凡舌上古傍如無皮狀其色紅赤飲食

刺舌者此皆血分濕熱之所致也宜令服當歸飲而傳問
碧散若咽喉生瘡舌上有白胎久不愈者屬淡飲加味導
淡湯主之若咽喉口舌腐爛者宜薔薇遺糧湯對喉痺湯
當歸飲

當歸 川芎 芍藥 地黃 何首烏

荆芥 防風 黃芪各五分 甘草二分 蒺藜子七分

右水煎溫服

間碧散鶴陵定治產後口舌糜爛神效可祕可祕

淡竹幹燒存性 五錢 人中白瓦上燒以變白 色為度 四錢

右二味極細末傳舌上日五六度
加味導淡湯

陳皮 枳實 半夏 茯苓 南星 各上

甘草下 竹瀝一大蛤殼 白芥子中

右七味水煎入竹瀝更溫服

薔薇遺糧湯 喉癰湯並見徽
厲新書

產後煩渴第十四

產訖面色青慘汗出而煩渴不止者此因驟脫血也此証
多難治治法見
第一卷若產後二三日發熱頭痛脈浮數而煩渴

者宜竹葉湯若惡露下多發熱煩渴者集驗拈樓湯若吐
利腹痛手足清冷煩渴者聖惠白木散隨症宜擇用

集驗拈樓湯 療產後血渴

地黄中 拈樓根上 土瓜根上 甘草下

人參中 麥門冬中 大棗中

右水煎服產寶無地黃麥門
冬有牡蠣粉等分

聖惠白木散

白木 橘皮 人參 麥門冬

乾姜炮各
上 甘草中 生姜下

右水煎服

竹葉湯 見傷寒 啓微

○產後自汗盜汗第十五

產後虛汗不止者，經効黃芪湯主之。若不效者，宜投黃芪建中湯，加牡蠣、浮麥、麻黃根。若絕汗如雨，手足清冷者，危如風前燈，當用參附芪蠟湯於百死中求一治。凡自汗盜汗，証以五倍子細末酢和調貼臍中，止汗甚妙。用溫粉亦

宜 方見傷寒 啓微

經効黃芪湯 治產後汗出不止

黃耆 上 白朮 牡蠣 茯苓 麥門冬

防風 地黃 大棗 各中

右以水二合煮取一合，去滓溫服。

黃耆建中湯

芍藥 上 黃芪 中 桂枝 中 甘草 中 生姜 中

大棗 下 膠飴 上

右六味以水二合煮取一合，去滓，內膠飴，更上微火，消解溫服。

參附耆蠟湯 家方

人參 黃芪 附子 牡蠣各等

右作大劑以水二合煮取一合溫服

○產後脇下疼痛第十六

產後惡露不盡脇肋疼痛者宜先與豁脇散此方不効仍引脊脊攣急者此血氣不和之所致也宜枳殼煮散當歸柴胡湯柴胡疎肝散之類若寒熱頭眩脇脹作痛或身疼者此肝腎二經氣血虧損者宜用補肝散若脇滿氣急目昏濁視物不明其脉遲弱者檳榔湯主之

豁脇湯

治因瘀血留滯脇肋疼痛神効

芍藥 延胡索 肉桂 牡丹皮各中

香附子上

右五味水煎溫服

枳殼煮散本車治因悲哀鬱結血氣不和兩脇牽痛筋脉

緊急漸至脊脊攣急

枳殼炒黃 細辛 桔梗 防風

川芎各上 葛根 甘草各中 生姜下

右每服四錢水一盞半煎七分服

當歸柴胡湯

治產後血氣脇肋脹痛

當歸 上

芍藥

桔梗

枳殼

枳殼

各中

X

桂枝

柴胡

青木香

中之下

右以水二合煮取一合服本出經効方

柴胡踈肝散

柴胡

陳皮 醋炒各上

川芎

芍藥

枳殼 麩炒

香附子 各中 甘艸 下

右每服四錢水煎服

補肝散 滑氏 治肝腎二經氣血虧損脇脹作痛或寒熱頭

眩身痛

當歸

山藥

黃芪 炒

川芎

山茱萸

五味子

木瓜 各上

熟地黃

白朮 各下

酸棗仁 炒

獨活 各中 大棗 下

右每服五錢水煎服

續柳湯

續柳

附子

母姜 各上

茯苓

橘皮

桂心 各下 桔梗

白朮 各中

右水煎溫服若氣喘者加半夏 上 川芎 中 甘草 下

○產後大便閉結第十七

產後大便當六七日而來若過之不通腹痛腰疼或腹滿者宜調道飲若猶不利者兼吞龍飛丸二三十粒至大段閉結者不以芒硝潤導不效宜桃核承氣湯

調道飲

聖惠

治婦人產後大便不通

當歸

川芎

防風

枳殼

製各

甘草

炙

右每服五錢用生姜三片棗二枚水煎服

龍飛丸

見傷寒啓微

桃核承氣湯

桃仁

桂枝

芒硝

大黃

甘草

中

右以水一合半煮取一合溫服

○產後下利第十八

產後下利不止者不問何証宜先與芍藥香附湯兼用青陽丸若不止者宜茯苓建中湯每服點服燒黑魚狗末五分若腹痛者當歸湯調中湯量証擇用滑瀉不止者神效參香散主之

芍藥香附湯

治產後下利上氣足冷時發熱腸鳴切痛

芍藥

香附

乾姜

甘草

丁子

砂仁

一方加黃連治下利不已乾噫食臭

右每服四錢，以水二合，煮取一合，溫服。

青陽丸 方見產論

茯苓建中湯

即小建中湯加茯苓 上

當歸湯 千金 療產後下利腹痛

當歸 龍骨各 乾姜 甘草炙 附子 炮

熟艾 下各 白木 中 芎藭 上之二

右八味水煎溫服

調中湯 治產後腸胃虛怯，冷氣乘之，腹脇刺痛，洞泄

不止

良姜 當歸 酒浸 桂心 芍藥 炒 附子 炮

川芎 上各 甘艸 中

右為粗末，水煎熱服

神效參香散 治產後脾胃虛寒，泄瀉洞下，及痢疾日

久積已盡，滑瀉不止，此散滋如神

人參 木香 各二 肉豆蔻 煨 茯苓 白扁豆

各四 陳皮 罌粟殼 去蒂穰醋炙各一兩

右為細末，每服一錢匙，清米飲調下，食遠服

○產後遺尿第十九

鹿蠟飲鶴陵定治產後遺尿不知出及小便頻數

芍藥 黃芪 牡蠣 益智 鹿茸

人參各等分 大棗減半

右七味水煎溫服治驗在五卷宜參看

喬一方醫綱婁英曰町婦人產後尿不禁面微浮畧發熱

于午後此膀胱為坐婆所傷

黃芪 當歸 芍藥各一錢半 白朮一錢 人參

陳皮各五分 甘草炙

右水煎熱飲之

桑螵蛸散千金翼治產後小便數及遺尿

桑螵蛸三箇炒 鹿茸酥炙 黃芪各三兩 牡蠣煨

赤石脂 人參 厚朴各二兩

右為末空心粥飲調下二錢外臺方無厚朴石脂有甘草生姜

○產後腹脹第二十

產後腹脹而嘔吐心下痞鞭或腹痛者由飲食停滯宜消導飲加半夏一二錢若不嘔吐而腹脹滿小腹疼痛大便難者宜木直煎若無腹痛痞鞭等証唯腹脹滿悶嘔吐不

醫學寶鑑

定者敗血犯脾胃也抵聖湯加穿山甲肉桂極妙又惡露

下少腹脹滿大小便秘澀者宜忍冬飲

消導飲 方見嘔吐 木直煎 方見傷寒啓微

抵聖湯 治婦人產後腹脹者尤神効

赤芍 半夏 澤蘭葉 人參 陳皮 各分

甘草 一錢

右每服一劑用水一碗生姜焙乾半兩煎至半碗去滓

分熱三服

忍冬飲

當歸 川芎 芍藥 木通 赤茯苓

華澄茄 忍冬 各等

每服五錢水煎溫服○此方又治婦人月經不來二三月

月腹脹滿大小便秘者忍冬消腹脹之神藥人未知之

○產後痿躄第二十一

產後之痿躄多患水腫痢疾等証之後血液耗亡筋失滋養者間致此証也大抵不歷百日以上若半歲則難得功矣所以然者因產亡血因疾損津液也健脚煎續斷丸思仙續斷圓之類宜擇用

健脚煎

鹿茸酒洗炒

續斷

當歸酒洗

芎藭

芍藥

熟地黄

牛膝酒洗

杜仲炒去系各等分

右八味水煎服

續斷丸

續斷 二兩

破故紙酒炒 牛膝酒洗

木瓜酒洗

草薺酒洗

杜仲去粗皮切片酒洗炒去絲各一兩

右為細末煉蜜丸如梧子大每服六七十丸空心酒下

思仙續斷圓

草薺 四兩

防風去芦

薏苡仁

思仙木即杜仲剉系斷

各五兩

牛膝酒浸

續斷

羌活各三兩

生地黄

五加皮各一兩

右為末酒三升化青鹽三兩木瓜半斤去皮子以鹽湯煮木瓜成膏杵圓如梧桐子每服五十圓空心温酒送下○余作湯用之亦效

○產後陰門腫痛第二十二

產後陰門腫痛者初產婦常多而累產者少矣初產多者蓋方分娩之際兒頭擦破陰門也如累產者既以為熟路

不致破傷也。然難產而晚者，雖經產者，往往致損傷，率皆陰肉起脹，欲小便則陰中疼，輕者取蛤煮汁薰洗，擦枳殼散，重者將六味薰洗方熨之，而後傳收傷油，極妙。或傳失痛散，亦可內宜將補中益氣湯加五味子主之。

枳殼散 治產後陰門破傷，或陰腫下脫內出。

枳殼 性燒存 右為細末，麻油和付患上。

收傷油 治金瘡及擦破之妙方也。

麻油 一合 椰子油 二錢 乳香 沒藥 各五分

小麥 五錢

右以小麥入麻油中煮，一炊時候，麥變黑色，浮油上，以絹布瀝去滓，下火入餘藥攪勻，綿浸磁器收貯聽用。

六味薰洗方

艾葉 上 荷葉 上 乾菜菔葉 上，經三年以上者佳。

防風 中 枯礬 下 甘草皮 中，痛甚者倍加。

右為大劑，以水五六升，煮連滓薰洗。

補中益氣湯 方見諸書不後錄

失痛散

滑石 黃丹 甘草 各二錢 質干 一錢

右極細末，鷄子清和調，先入手帛，於熱湯中絞取，慰患
處便傳。

○產後乳汁少第二十三

古論曰：乳汁乃氣血所化，其或不行者，皆由血氣虛弱所致也。雖然有屢產，乳汁絕無者，則不得謂特由氣血虛弱也。若夫血氣虛弱，奚能屢懷妊？蓋素乳脈壅閉，不能為乳者而已。故如絕無乳者，雖與藥，率皆不効。惟雖有乳不甚多者，宜服藥以通之。今擇經驗方列于左。

通乳煎 產後乳汁少者宜服之

當歸

王不留行

天花粉

甘草上各

柴胡

穿山甲

香附子

中各

右作大劑水煎，凡欲服此藥，先以赤小豆二合煮熟，食一盞，訖服藥汁一椀，復每歷一炊時，服藥食小豆如前法。取後尋飲溫酒少許，凡欲令小兒吮乳，宜揉乳頭數遍而後與之。

木通丸

治產後百日内不乳出者

木通葉六

牡蠣四

麥門冬二

右為細末，九大豆大，蒲黃為衣，每服四十五粒，日三夜

三忌五辛生蔬他煎湯

胡桃散 通乳汁之妙劑

穿山甲一分 帶皮胡桃十箇

右為細末分作三貼宜每食前服一貼服後喫醴酒

蓋凡服日三二三日而必有奇效可秘

玄素散

百草霜 天花粉各等分

右細末每服一錢大麥煮汁送下日二一臈內服服僅

一日而見奇效如神朝一臈也

通乳瓢畜飲

瓢畜一分 桔梗八分 天花粉七分 紫蘊五分 甘草五厘

右五味以水一盞半煮取一盞溫服

○產後目疾第二十四

婦人產後眼昏頭暈虛渴口乾者宜熟地黃湯若午後至

夜昏花不明者四物補肝湯若產後崩漏亡血過多致睛

珠疼痛者四製香附丸若瘀血留滯發血暈赤脉遮睛隱

澁難開者宜翦芎湯又不問產前產後凡眼內紅腫痛爛

難開者以掃紅煎熏洗內服加味四物湯若怒滿白睛疼

痛甚者以灼明煎頻熏煎內服退血湯極妙

熟地黃湯審視治產後婦人眼昏頭暈虛渴口乾氣少脚

弱

熟地黃酒洗八分 糯米撮一 人參錢一

麥門冬去心一分 甘草分五 花粉錢三

右判劑水二鐘姜一片棗二枚去核煎至八分去滓服

四物補肝湯同治婦人產後午後至夜昏花不明

熟地黃焙乾兩 香附子酒製 川芎 白芍藥酒洗

當歸身酒洗 夏枯草各八分 甘草分四

右共為細末每服二三錢食後滾白湯送下

四製香附丸同治婦人產後崩漏亡血過多致睛珠疼痛

經水不調等証

香附杆去皮毛淨子八兩分作四 熟地黃酒水煮

黃蘗酒炒各一兩 澤蘭葉淨葉 白芍藥酒洗

當歸炒各一兩半 益母草四兩勿

除地黃膏另入餘藥共為細末鋪地一宿去其火性煉

蜜為丸如梧桐子大每服二三錢空心滾白湯送下

芎藭湯秘方 治婦人有瘀血發血暈因致眼疾者

川芎 枳子 芍藥 各二 香附 黃連 各一

白芷 五分 木香 七分 沉香 八分 茯苓 八分 人參 五分

桔梗 四分 柴胡 一分 當歸 七分 菊花 八分 黃芩 七分

陳皮 四錢

右十六味照常水煎服

掃紅煎 治諸般眼患紅腫痛爛 甘菊花 黃連 各半

防風 荆芥 白芷 各三分 紅花 當歸 各一分 芒硝 二分

白礬 五分 右煎湯先熏後洗最效

加味四物湯 灼明煎 退血湯 並見青囊瑣探

○產後蓐勞第二十五

蓐勞者生產後更似無它疾數日後四體倦怠乍起乍卧或五心煩熱寒熱如瘧或自汗盜汗欬嗽吐痰或口舌乾燥虛羸喘乏腹中絞刺是其候也至于已上證候略具則積日累月漸漸柴瘠或加下利或加不食或加浮腫而終致不起矣其始雖似無它疾必脉細數或弦大無根此際不論惡露多寡宜用內補建中湯若自汗盜汗者加黃芪浮麥麻黃根如血氣虛弱產內失將理而成者人參鱉甲散三合散之類如五心煩熱熱熾而脉弦大有力者加味

四物湯如四體疼痛乏力者懷熟地湯如虛熱悠悠盜汗
 欬嗽吐涎沫者宜新定補元煎虛甚者加入參四五錢又
 宜隨證加減如蒸蒸身熱口舌乾燥欲得飲水或欬逆上
 氣嘔吐者崔氏竹葉飲如虛汗不止者經效黃芪散麻黃
 根散之類宜選而用之凡自汗盜汗者用藥外並宜將罷
 骨散貼臍中尤效若此症累月後至於四體羸瘦腕後肉
 脫形匾則雖扁倉復生不能挽也矣
 內補建中湯 見產後
 人參鱉甲散 治蓐勞皆由在產內未滿百日體中虛

損血氣尚弱失於將理或勞動作傷致成蓐勞其狀虛
 羸乍起乍卧飲食不消時有欬嗽頭中昏痛發歇無常
 夜有盜汗寒熱如瘧背膊拘急沉困在牀服此大效

黃耆 鱉甲 各一兩 牛膝 七錢半 人參 茯苓 當歸

白芍 桑寄生 麥門冬 桂心 桃仁 熟地黃

甘草 各半兩 續斷 二錢半

右為細末每服先以猪腎一對去筋膜以水兩大盞生
 姜半分棗三枚煎至一盞去猪腎姜棗然後入藥末二
 錢蔥白三寸烏梅一箇荆芥五穗煎至七分去滓空心

晚食前温服神效

三合散 治產後日久虛勞發熱

當歸 白芍 茯苓 地黄各一兩 柴胡 人參各一兩

黃芩 半夏 甘草各六分 川芎 一兩

右為粗末每服一兩加生姜三片紅棗一枚水煎食前

服 加減法如寒熱往來臍腹脹痛則去人參黃芩地

黃加延胡桃仁 如懶食喜睡頭眩則去柴胡加黃芪

縮砂陳皮 如骨蒸盜汗自汗則去川芎柴胡加鱉甲

地骨皮牡蠣 如痰喘欬嗽則去人參柴胡加麥冬貝

母百合 如面黃肌瘦乏力則去柴胡川芎加黃芪倍

用人參

加味四物湯 汪石山 治產後蓐勞四肢無力睡而汗出日晡

潮熱口乾五心如炙熱熾而脉弦大有力者

當歸 川芎 芍藥 地黄各二分 胡黃連 秦艽

青蒿各五分

右以水五盞煮取二盞半服

懷熟地湯 聖濟 治產後蓐勞寒熱肢體痛力乏

熟地黄 當歸 人參 白朮 茯苓 甘草

淡竹葉 鱉甲 牛膝 桂心 麥門冬各一

右水煎溫服

新定補元煎元周定治產後蓐勞欬嗽吐痰寒熱盜汗顏色

青慘或面戴陽肢體乏力或大便滑利者

人參一二錢或四五錢 白朮 炒姜 貝母 牡蠣

五味子各一分 訶子 烏梅 甘草各五分

以水二合半煮取一合太滓溫服 蒸熱加地骨皮鱉

甲胡黃連 欬嗽甚者加沙參百部根天門冬 下利

不止者加熟附子肉豆蔻

崔氏竹葉飲 治骨蒸唇乾口燥欲得飲水

竹葉 一握 麥冬 半夏各一分 甘草炙三兩

大棗二十枚 粳米五合 生姜三兩

右水煎溫服

經效黃耆散 療產後汗出不止

黃芪十二分 白朮 牡蠣 茯苓 防風

麥門冬去心 生地黄各八分 大棗八箇

右以水二升煎取七合太滓空心溫服黃芪得防風其功愈大為易于

也固表

麻黃根散

治產後虛汗不止

當歸 黃芪 麻黃根 牡蠣煨為粉 人參 粉草各等分

右咬咀每服四錢水一錢煎至七分太滓溫服

新定龍骨散 此方予所新定而治自汗盜汗之神藥也

用此莫不悉神驗

龍骨 三錢 五倍子 五錢

右二味極細末嚴醋和調貼臍中以紙蓋其上

產科炭蒙四卷 畢



